



Regional
Housing
Programme

RSP BILTEN

br. 10

JANUAR - MART 2017.



Slika na naslovnoj strani:
Projekti zgrada u Kruševcu, Sremskoj Mitrovici i Prokuplju, Srbija

Priča sa naslovne strane



U NEKOLIKO GRADOVA U SRBIJI POČELA IZGRADNJA STAMBENIH ZGRADA

Tokom marta 2017. godine, Komesarijat za izbjeglice i migracije Republike Srbije organizovao je tri događaja - u Sremskoj Mitrovici, Kruševcu i Prokuplju - kojima je obilježen početak radova na izgradnji stambenih zgrada za smještaj 40 izbjegličkih porodica u Sremskoj Mitrovici, odnosno po 20 u Kruševcu i Prokuplju.

U sprovođenju projekta SRB2 učestvuju devet opština u Srbiji u kojima se gradi ukupno 200 stanova. Uskoro će započeti radovi u preostalim šest opština – Paraćinu, Vršcu, Bajinoj Bašti, Šapcu, Kikindi i Šidu.

Naglašavajući regionalni značaj Programa, prvi potpredsjednik Vlade Republike Srbije i ministar vanjskih poslova Ivica Dačić, istakao je da je Srbija tokom protekle tri godine dobila 87 miliona eura bespovratnih sredstava od RSP-a.

„Okvir RSP-a prevazilazi državne granice i daje odličan primjer efikasne regionalne saradnje“, rekao je ministar Dačić.

Komesar za izbjeglice i migracije Vladimir Cucić dodao je da se u Srbiji trenutno sprovodi veliki broj RSP projekata, kao i da će do kraja 2017. godine još 2.000 korisničkih porodica dobiti stambena rješenja od RSP-a, pored 700 porodica koje su se do kraja 2016. godine već uselile u svoje nove domove.

Događajima su prisustvovali i predstavnici glavnih RSP donatora, EU i SAD, kao i partnerskih organizacija UNHCR i OSCE.



PRIČA RSP KORISNIKA – BRANISLAV I VIDA JOVIČIĆ

Branislav i Vida Jovičić su jedna od korisničkih porodica koje će se sljedeće godine useliti u svoj novi stan u Sremskoj Mitrovici. Branislav je živio u Istri u Hrvatskoj, gdje je radio na brodu. Od početka rata bio je podstanar i sada željno očekuje da dobije ključeve svog novog stana.

„Ovo je prvi put da sam se prijavio za stan i uspjelo je! Mora da u svemu ovome ima neke magije, jer sam ja profesionalni mađioničar. Već smo mogli da dobijemo seosku kuću, ali obzirom da smo supruga i ja u godinama kada nam se bliži penzija, zaista cijenimo što nam je omogućeno da živimo u stanu u gradu.“

Intervju

INTERVJU S VLADIMIROM CUCIĆEM, KOMESAROM ZA IZBJEGLICE I MIGRACIJE REPUBLIKE SRBIJE



Vladimir Cucić

Komesar za izbjeglice i migracije
Republike Srbije

„Regionalni stambeni program, čiji je cilj osiguravanje stambenih rješenja za izbjeglice, predstavlja ogroman projekat koji moramo privesti kraju. To je vrlo značajno za Srbiju“

Na sastanku održanom u Parizu u decembru 2016. godine, Srbiji je odobreno dodatnih 9,2 miliona eura za novi projekat odobren u korist Srbije. O kakvim sredstvima je riječ i da li su ona dovoljna?

Zahvalni smo svim zemljama donatorima koje velikodušno podržavaju ovaj značajan projekat. Iako su ova sredstva značajna, potrebe su ipak veće. Odobrena suma dovoljna je za 490 stambenih rješenja, čime će se omogućiti kupovina 130 stanova, 180 seoskih kuća i 180 paketa građevinskog materijala, a dio je namijenjen za projektiranje 358 stanova za izbjeglice

Nakon ratova devedesetih godina prošlog stoljeća, Srbija je prihvatila više od 600.000 izbjeglica iz Bosne i Hercegovine i Hrvatske, što efektivno čini oko deset posto ukupnog stanovništva Srbije. Nekima od njih još uvijek nije vraćeno pravo na povratak, obnovu imovine u državi porijekla, dobivanje mirovina koje im zakonski pripadaju i sl. Veliki broj ovih izbjeglica je tokom proteklih 20 godina integrisano u Srbiju, ali potreba za stambenim zbrinjavanjem je i dalje velika. Odnos između broja ponuđenih stambenih rješenja i broja obitelji koje se prijavljuju je 1 : 3, dok je u pogledu stambenog modela izgradnje stanova ovaj odnos još veći i iznosi 1 : 5. Dakle, još uvijek preostaje mnogo toga da se uradi.

Možete li nam reći nešto o napretku ovog programa u Srbiji?

Kako je istaknuto i u Parizu, sprovođenje Regionalnog stambenog programa u Srbiji je u ovom trenutku u punom zamahu. Srbija je postala najveće gradilište socijalnih stanova na Balkanu, što će biti sve evidentnije tokom 2017. i 2018. godine. Nedavno smo postavili kamen temeljac za izgradnju stanova u nekoliko opština u Srbiji, Sremskoj Mitrovici, Kruševcu, Prokuplju... Sranovi se uveliko grade u beogradskom naselju Ovča.

U martu 2016. godine potpisan je ugovor o izgradnji 270 stanova u Kamendinu. U junu smo dodijelili ugovore korisnicima za kupovinu 69 seoskih kuća za izbjeglice u Gradu Beogradu. Krajem novembra prošle godine dodijelili smo ugovore predstavnicima 53 lokalne samouprave za provedbu blizu 900 stambenih rješenja u 2017, kao i predstavnicima 61 općine za provedbu 2.000 trajnih stambenih rješenja ukupne vrijednosti 47,5 miliona eura. Sve u svemu, oko 1.500 ljudi u 117 lokalnih samouprava širom Srbije uključeno je u provedbu neke od RSP faza - odabir korisnika, kupovina seoskih kuća, objavljivanje procesa javne nabavke građevinskog materijala ili dobivanje dozvola za izgradnju stanova. Zahvalni smo donatorima koji su omogućili provedbu Programa, a naročito Europskoj uniji, koja je za ove potrebe namijenila 230 miliona eura.

„Regionalni stambeni program ne predstavlja samo prekretnicu u odnosima u regiji, već i u životima izbjeglica. Zato bih iskoristio ovu priliku da pozovem sve strane da ne odustaju od njega, već da se dodatnim naporima kroz razumijevanje dovede do svog cilja.“



Primjeri iz partnerskih zemalja



BOSNA I HERCEGOVINA

U BOSNI I HERCEGOVINI NASTAVLJENO URUČIVANJE KLJUČEVA RSP POVRATNICIMA

U Bosni i Hercegovini je 10. februara 2017. godine održana ceremonija primopredaje ključeva za 24 korisničke porodice u Derventi. Odabrani korisnici su povratnici iz Hrvatske, koji se sada vraćaju u svoje obnovljene kuće izgrađene prije rata.

Ceremoniji su prisustvovali gđa Semiha Borovac, ministrica za ljudska prava i izbjeglice Bosne i Hercegovine, gospodin Davor Čordaš, ministar za ljudska prava i izbjeglice Republike Srpske, gospodin Milorad Simić, predsjednik Skupštine opštine Derventa, gospodin Masimo Mina, šef Sekcije operacija za socijalni razvoj, civilno društvo i prekograničnu saradnju Delegacije EU u BiH, kao i predstavnici partnerskih organizacija UNHCR, OSCE i CEB. Prisutni su bili i predstavnici preostalih partnerskih zemalja - Srbije, Crne Gore i Hrvatske.

Ministrica Borovac istakla je da "uspješno sprovođenje RSP-a i rješavanje pitanja izbjeglica i interno raseljenih osoba neće riješiti samo ovaj bolni i dugogodišnji problem u regiji, nego će također pridonijeti i njegovoj prosperitetnoj budućnosti, što je u zajedničkom interesu svih nas".



„Snažno podržavamo koordinirane napore nadležnih ministarstava, kantona i jedinica lokalne uprave u kreiranju i provođenju adekvatnih socio-ekonomskih mjera koje bi podržale proces povratka i prevazišle okvire čisto stambenih rješenja. To podrazumijeva ne samo sudjelovanje ministara za izbjeglice na različitim razinama, kakav je trenutno slučaj, već i ministarstava nadležnih za obrazovanje, zdravstvo i socijalnu skrb, kao i drugih relevantnih ministarstava”, izjavio je gospodin Masimo Mina šef Sekcije operacija za socijalni razvoj, civilno društvo i prekograničnu saradnju Delegacije EU u BiH.



HRVATSKA

USKORO GOTIVI RADovi U GLINI I KNINU

Građevinski radovi u okviru projekta HR2 u Kninu i HR3 u Glini približavaju se završnoj fazi. Došlo je do izvjesnog zastoja u izvođenju radova na stambenoj zgradi u Benkovcu (HR5) zbog nepovoljnih vremenskih uslova, ali radovi sada ponovo dobro napreduju. Očekivani završetak radova u Glini i Kninu očekuje se u maju / junu 2017. godine.

Kada je riječ o posljednjem odobrenom RSP projektu u Hrvatskoj (HR6), koji uključuje renoviranje, obnovu ili izgradnju 62 porodične kuće, do sada je završen projekat obnove 17 kuća, a uskoro treba biti potpisan ugovor o izvođenju radova.

"Zajednička radna grupa" redovno se sastaje u cilju finaliziranja odabira korisnika za sve odobrene projekte.



PRIČA RSP KORISNIKA - SLAVKA I JANKO IVANIŠEVIĆ

Slavka i Janko Ivanišević su sa svoje dvoje male djece 1995. godine iz Knina u Hrvatskoj izbjegli u Suboticu u Srbiji, gdje su smještaj pronašli u jednom od bungalova u nekadašnjem ljetnom odmaralištu nadomak jezera Palić pretvorenom u kolektivni centar.

Ivaniševići su se iz izbjeglištva vratili 1999. godine u svoju staru kuću u okolici Knina, ponovno izgrađenu na ruševinama uništene porodične kuće, koja je 2005. godine postala neadekvatna za stanovanje, zbog čega su morali preseliti u vikendicu Slavkine sestre koja živi u inostranstvu.

Janko Ivanišević prima skromnu penziju koju je zaradio radeći na željeznici prije rata. Slavka je također penzionisana i mjesečno prima 160 eura. Njihov sin Aleksandar, koji sa svojom suprugom i dvoje djece živi u istom kućanstvu, povremeno radi i trenutno je angažiran kao vozač u jednoj radnji za prodaju namještaja. Njihova kći Mirjana, majka troje djece, radi kao čistačica u kninskoj bolnici. Svi članovi ove porodice ulažu napore da doprinesu i osiguraju bolji život za mlađu generaciju. Slavka ima mali vrt i voćnjak koje obrađuje dok su joj unuci u školi, do koje su prinuđeni da idu autom ili autobusom obzirom da se nalazi u gradu 15 kilometara udaljenom od njihove kuće.

Ivaniševići nikada nisu izgubili nadu. I stariji i mlađi članovi porodice dijele isti san o dobivanju stana u novoj zgradi čiju izgradnju u Kninu finansira RSP.

Primjeri iz partnerskih zemalja



CRNA GORA

U APRILU POČINJE IZGRADNJA 94 STAMBENE JEDINICE U BERANAMA

Ministar rada i socijalne skrbi Crne Gore Kemal Purišić i direktor Direkcije javnih radova Milan Martinović potpisali su 20. decembra 2016. godine ugovore o izvođenju radova i nadzoru nad izgradnjom 94 stambene jedinice u Beranama (projekat MNE4). Procijenjena ukupna vrijednost projekta je 3,9 miliona eura, od čega je 3,5 miliona eura osigurano preko RSP granta. Ovaj projekat omogućiće konačno zatvaranje dva kolektivna centra - Rudeš 1 i Rudeš 2.

Početak izgradnje 94 stambene jedinice predviđa se za početak aprila 2017. godine, a procjenjuje se da će biti završen za 18 mjeseci.



IZGRADNJA STANOVA U KONIKU NAPREDUJE BRŽE OD PLANIRANOG

Izgradnja 120 stanova u kampu Konik u Podgorici započela je u martu 2016. godine, s predviđenim rokom završetka planiranim za august / septembar 2017. Osim toga, zahvaljujući proračunskim uštedama, za stanovnike kampa Konik i susjednih naselja biće izgrađen još 51 stan, čime će se broj korisničkih porodica povećati sa 120 na 171. Završetak izgradnje dodatne 51 stambene jedinice planiran je za april 2018. godine.



PRIČA RSP KORISNIKA - DRAGANA BULATOVIĆ

Dragana je u Berane došla iz Đakovice 1999. godine sa svojim suprugom, svekrvom i petero djece. Bulatovići su se smjestili u izbjeglički kamp u Beranama, koji je 1995. godine izgradio UNHCR kao privremeno rješenje za izbjeglice iz Bosne i Hercegovine i Hrvatske. Svoj dom je u malim dvosobnim kućama pronašla oko 100 porodica, izbjeglica iz BiH i Hrvatske, a kasnije i interno raseljenih osoba s Kosova. Porodice su morale ostati u kampu mnogo duže od očekivanog, budući da je općina Berane jedna od najsiromašnijih u Crnoj Gori i za proteklih više od 20 godina stanovnicima kampa nije bila u mogućnosti osigurati bolje rješenje.

Danas Dragana ima devetero djece, od kojih sedmero još uvijek živi s njom. Petero djece pohađa lokalnu školu. Suprug joj je preminuo 2008. godine i porodica sada živi od njegove penzije koja iznosi 118 eura. Kada je u mogućnosti pronaći posao, najstariji sin radi na gradilištu i tako pomaže ovoj osmočlanoj porodici da preživi.

Većina porodica smještenih u kolektivnom centru u Beranama u istoj je situaciji kao i Bulatovići, koji žive bez struje jer nisu u mogućnosti plaćati račune. Oni kupuju namirnice koje se mogu konzumirati u roku od jednog dana jer frižideri ne rade, a djeca svoje zadatke moraju završiti po danu. Tokom hladnih zimskih mjeseci u ovom surovom okruženju, oni svoje šporete lože čime god mogu kako bi sobna temperatura bila iole podnošljiva.

Dragana i njena djeca polažu sve nade u novu zgradu koju finansira RSP u koju očekuju da će se useliti narednog ljeta, što bi moglo označiti i početak normalnog života za ovu porodicu.

Primjeri iz partnerskih zemalja



SRBIJA

NAJNOVIJI REZULTATI REGIONALNOG STAMBENOG PROGRAMA PREDSTAVLJENI NOVINARIMA U SRBIJI

Komesarijat za izbjeglice i migracije Republike Srbije (KIRS) i Razvojna banka Vijeća Europe organizovali su 28. februara 2017. godine u Novom Sadu konferenciju za novinare u cilju predstavljanja najnovijih rezultata Regionalnog stambenog programa. Konferencija za novinare organizovana je u kontekstu godišnjeg sastanka povjerenika KIRS-a, koja je ove godine bila posvećena sprovođenju RSP-a u Srbiji.

„Ukoliko se nastavi dosadašnji tempo sprovođenja, do 2019. godine bi nove domove trebalo dobiti 7.900 ugroženih porodica”, izjavila je Marija Sepala, rukovodilac Sekretarijata Regionalnog stambenog programa, Razvojne banke Vijeća Europe. Gđa Sepala dodala je da su RSP donatori do sada namijenili 269 miliona eura, od čega je 230 miliona eura od Europske unije.

Komesar za izbjeglice i migracije Vladimir Cucić izjavio je da je Srbija najveći korisnik RSP-a sa do sada odobrenih šest projekata ukupne vrijednosti od 104 miliona eura, od čega će se 87 miliona eura finansirati iz RSP fonda, a 17 miliona eura kroz nacionalni doprinos.

Navedeni projekti trebaju osigurati preko 5.200 stambenih rješenja čime će se značajno poboljšati uslovi života oko 13.000 ugroženih osoba.

Pored gospodina Čučića, na konferenciji su govorili i šef sektora operacija Delegacije Europske unije u Republici Srbiji Nikolas Bizel, regionalni koordinator u Birou za stanovništvo, izbjeglice i migracije SAD Sem Hili, viši službenik za zaštitu Džon Endrju Jang, UNHCR Srbija i šef Odjela za demokratizaciju pri misiji OSCE-a u Srbiji Jan Luneburg.

„Nadamo se da će naponi koje EU ulaže u saradnji s našim partnerima također predstavljati dobar primjer izgradnje snažnije regionalne saradnje. Nastavit ćemo podupirati RSP; moramo raditi više na njegovom sprovođenju, biti brži, imati dobre projekte i raditi zajedno. Ukoliko nastavimo uspješno sprovođenje ovog programa, EU namjerava tokom 2017. godine da za Srbiju opredijeli dodatnih 20 miliona eura”, rekao je Nikolas Bizel, šef sektora operacija Delegacije Europske unije u Republici Srbiji.

Medijima su se obratili i predstavnici preostale tri partnerske zemlje, Bosne i Hercegovine, Hrvatske i Crne Gore. Zamjenik ministra za ljudska prava i izbjeglice Bosne i Hercegovine Predrag Jović svoje obraćanje je završio isticanjem načina na koji RSP pokazuje da četiri države mogu raditi zajednički na postizanju jedinstvenog cilja.

UGOVORE ZA MONTAŽNE KUĆE DOBILU 49 KORISNIČKIH PORODICA U SRBIJI



„Na putu smo da ostvarimo cilj RSP-a da najugroženije izbjegličke porodice dobiju krov nad glavom. Želim zahvaliti svim učesnicima u Programu, a posebno korisnicima na njihovom razumijevanju”, izjavio je Vladimir Cucić, komesar za izbjeglice i migracije.

Na događaju organizovanom 29. marta 2017. godine u Skupštini Grada Beograda uručeni su ugovori o dodjeli montažnih kuća na području Grada za 49 izbjegličkih porodica iz Bosne i Hercegovine i Hrvatske.

Ugovore su uručili prvi potpredsjednik Vlade Ivica Dačić i gradonačelnik Grada Beograda Siniša Mali. Navedenih 49 stambenih rješenja predstavljaju dio projekta SRB3 vrijednog 13 miliona eura, koji se provodi samo na području Grada Beograda.

Početak provedbe projekta očekuje se odmah nakon potpisivanja ugovora, kako bi se osigurala brza izgradnja stambenih jedinica i njihova dodjela korisničkim porodicama.

Prvi potpredsjednik Vlade, ministar vanjskih poslova i predsjednik Komisije za koordinaciju trajne integracije izbjeglica Ivica Dačić naglasio je da se RSP sprovodi uz pomoć donatorskih sredstava. On je također podsjetio i da će dodatnih 235 stanova unutar stambenog projekta SRB3 biti dodijeljeno odgovarajućim korisnicima do kraja 2017. godine.

Zahvaljujući RSP-u, u Srbiji je do sada stambena rješenja dobilo preko 700 porodica. Prvih 69 montažnih kuća završeno je tokom 2016. godine.

IZGRADNJA STANOVA U BEOGRADSKOM NASELJU OVČA NAPREDUJE PO PLANU

Nakon pet mjeseci od početka radova, građevinski radovi na izgradnji 235 stanova u četiri zgrade za izbjeglice iz Bosne i Hercegovine i Hrvatske u beogradskom naselju Ovča napreduju u skladu s planovima.

Radovi u okviru projekta SRB3 provode se kroz blisku saradnju između vodeće institucije, Komesarijata za izbjeglice i migracije Republike Srbije, Jedinice za upravljanje projektima u javnom sektoru, kao i Grada Beograda, koji osigurava infrastrukturu, građevinsko zemljište i projekat za izgradnju. Ukupna vrijednost projekta u Ovči procjenjuje se na 9,8 miliona eura, od čega RSP fond pokriva sredstva u iznosu od 5,4 miliona eura, dok se ostatak finansira iz proračuna Grada Beograda.

Kamen temeljac za izgradnju stanova u Ovči položen je 9. septembra 2016. godine, a završetak radova planiran je za oktobar 2017. Ukupna vrijednost projekta SRB3 kojim će se osigurati više od 700 stambenih rješenja za izbjegličke porodice s prebivalištem na području Beograda, procjenjuje se na 13,6 miliona eura. Ovaj projekat također uključuje kupnju 69 seoskih kuća, za koje su kupoprodajni ugovori zaključeni u junu 2016. godine.

Vidljivost RSP-a

NOVI REGIONALNI I INFO LISTOVI PARTNERSKIH ZEMALJA

Krajem januara 2017. godine objavljen je novi regionalni RSP info list, u kojem su predstavljena najvažnija postignuća u sve četiri partnerske zemlje u periodu juni-decembar 2016. godine. Početkom marta 2017. godine objavljena su četiri info lista partnerskih zemalja u kojima su predstavljene glavne aktivnosti u svakoj zemlji tokom protekla dva mjeseca. Svi info listovi dostupni su na RSP internet stranici

www.regionalhousingprogramme.org

RHP Factsheet
January 2017

MISSION AND BACKGROUND
The Regional Housing Programme (RHP) is a joint initiative by Bosnia and Herzegovina, Croatia, Montenegro and Serbia (the Partner Countries). Its aim is to contribute to the resolution of the protracted displacement situation of the most vulnerable refugees and displaced persons following the 1991-1995 conflicts on the territory of former Yugoslavia, including internally displaced persons in Montenegro from 1999.

KEY FACTS
As a consequence of the armed conflicts in the 1990s, over three million people were displaced both within and beyond the border of Bosnia and Herzegovina, Croatia, Montenegro and Serbia. Over the past two decades, sustained efforts in the form of judicial, humanitarian aid as well as support from the international community have resulted the majority of those affected to return home or to other durable solutions.

STAKEHOLDERS
RHP consists of four identical Country Housing Projects which are implemented by the Partner Countries. RHP is primarily a donor funded programme, albeit some of the Partner Countries also participate with national contributions. The European Union is the largest donor in this initiative having pledged EUR 200 million, out of a total of EUR 250 million pledged to date. Other donors in the RHP Fund are the U.S., Germany, Netherlands, Switzerland, Canada, Turkey and Luxembourg.

CONTRIBUTORS COMMITTED AND PAID INTO THE RHP FUND
(in EUR million, as of December 2016)

Country	Committed	Paid
USA	100.0	100.0
Germany	100.0	100.0
Netherlands	100.0	100.0
Canada	100.0	100.0
Turkey	100.0	100.0
Switzerland	100.0	100.0
Luxembourg	100.0	100.0
Total committed	600.0	600.0
Total paid	318.5	318.5

COUNTRY HOUSING PROJECT (CHP) BOSNIA AND HERZEGOVINA

CHP at a glance

CHP at a glance

CHP at a glance

COUNTRY HOUSING PROJECT (CHP) CROATIA

CHP at a glance

CHP at a glance

CHP at a glance

COUNTRY HOUSING PROJECT (CHP) MONTENEGRO

CHP at a glance

CHP at a glance

CHP at a glance

COUNTRY HOUSING PROJECT (CHP) SERBIA

CHP at a glance

CHP at a glance

CHP at a glance


IZLOŽBA U EU INFO CENTRU

Početkom januara 2017. godine, iz prostorija prostorija Impact hub-a u EU info centar, preseljena je foto izložba na kojoj je prikazano 60 fotografija i predstavljeni rezultati dva stambena projekta za izbjeglice "Regionalnog stambenog programa" i "Podrške Europske unije za unapređenje životnih uslova prisilnih migranata".

KRATKI FILMOVI O RSP KORISNICIMA

Novi kratki filmovi o korisnicima iz četiri partnerske zemlje završeni su u martu 2017. godine. Porodica Gondžić uselila se u svoju novoizgrađenu kuću u mjestu Olovo u Bosni i Hercegovini. Ilinka Knežević iz Knina u Hrvatskoj dobila je stan finansiran sredstvima RSP-a. Draga Vujović se sa svojim sinom uselila u novi stan u Nikšiću u Crnoj Gori. Nenad Tumara dobio je novu montažnu kuću u Pećincima u Srbiji. Svi filmovi dostupni su na RSP internet stranici

www.regionalhousingprogramme.org/media/video/



INTERVJU U NEDELJNIKU

Ambasador EU u Srbiji Majkl Davenport i komesar za izbjeglice i migracije Republike Srbije Vladimir Cucić dali su intervju za izdanje srpskog časopisa Nedeljnik od 14. februara 2017. godine. Integralna verzija intervjua na engleskom jeziku dostupna je na RSP internet stranici.

RSP NA TV N1

Predstavnici RSP partnerskih zemalja gostovali su 14. februara u emisiji na regionalnom TV kanalu N1. Njihovom zajedničkom porukom istaknut je pozitivan uticaj koji RSP ostvaruje na regionalnu saradnju između zemalja.

KONFERENCIJA ZA NOVINARE

Komesarijat za izbjeglice i migracije Republike Srbije (KIRS) i Razvojna banka Vijeća Europe održali su 28. februara 2017. godine u Novom Sadu konferenciju za novinare u cilju predstavljanja najnovijih rezultata Regionalnog stambenog programa. Konferencija za novinare organizovana je u kontekstu godišnjeg sastanka povjerenika KIRS-a, koja je ove godine bila posvećena sprovođenju RSP-a u Srbiji.




Status RSP fonda

FINANSIJSKI PREGLED RSP-a

Na kraju mjeseca marta 2017. godine, finansijska situacija RSP-a može se sažeto prikazati na sljedeći način:

Ukupne brojke za RSP

(u milionima eura, na kraju mjeseca marta 2017.)



DOPRINOSI PO DONATORIMA

Donatori su u RSP fond opredijelili 160,8 miliona eura, od čega su uplatili 138,5 miliona. Posljednju tranšu u vrijednosti od 14 miliona eura uplatila je Europska unija u januaru 2017. godine. Računajući i ovu tranšu, Europska unija je potvrdila svoj status glavnog donatora RSP s opredijeljenih 121,3 miliona eura i uplaćenih 98,9 miliona u RSP fond.


ISPLATE PARTNERSKIM ZEMLJAMA

Zaključno s mjesecom martom 2017. godine, ukupan iznos isplata od početka sprovođenja Programa dosegno je 54 miliona eura, od čega je 26 miliona eura ili 49% isplaćeno Srbiji, što odgovara njenom udjelu u Programu. Većina do sada odobrenih bespovratnih sredstava unutar RSP-a odobrena je u korist Srbije, odnosno 87 od ukupno 155 miliona eura ili 56%.

Sljedeće brojke na godišnjoj razini prikazuju znatno povećanje isplata partnerskim zemljama od početka sprovođenja Programa:

Isplate partnerskim zemljama

(po godinama, u milionima eura, na kraju mjeseca decembra 2016.)



Regionalne aktivnosti

U PODGORICI ODRŽAN 19. REGIONALNI KOORDINACIJSKI FORUM

U Podgorici je 1. februara 2017. godine održan 19. po redu Regionalni koordinacijski forum. Sastanku su prisustvovali predstavnici RSP partnerskih zemalja Bosne i Hercegovine, Hrvatske, Crne Gore i Srbije, RSP donatora EU i SAD, kao i partneri u procesu provedbe UNHCR, OSCE i CEB.

Sastanak je otvorio ministar rada i socijalne skrbi Crne Gore gospodin Kemal Purišić, koji je u svom uvodnom obraćanju podsjetio da RSP doprinosi procesu pomirenja, saradnje i suživota u regiji. Gospodin Stefan Selen prisutnima se obratio u ime Razvojne banke Vijeća Europe i sa zadovoljstvom primijetio da zahvaljujući kontinuiranoj podršci svih donatora, a posebno Europske komisije, RSP sada može započeti "drugu fazu", u okviru koje će biti obuhvaćen veći broj korisnika kojima će biti osigurana trajna stambena rješenja.

Partnerske zemlje predstavile su svoje dosadašnje rezultate i zajedno istakle blisku i uspješnu saradnju proizašlu iz provedbe RSP-a, koja je, između ostalog, rezultirala i prekograničnom provjerom podataka o hiljadama RSP korisnika. Regionalni koordinacijski forum posebno je bio usmjeren na razgovore o održivosti stambenih rješenja finansiranih unutar RSP-a. Partnerske zemlje izvijestile su o aktivnostima na praćenju aspekata održivosti RSP-a, dok je posebno predstavljena njihova analiza o trenutnom stanju

i uočenim nedostacima, koja se nadovezuje na zaključke i predložene aktivnosti na Regionalnoj radionici o održivosti (održanoj u novembru 2016. godine u Podgorici).

UNHCR i OSCE sarađuju s partnerskim zemljama na izradi nadzornih aktivnosti i načinima procjene učinkovitosti finansiranih projekata. Svi akteri ohrabreni su i još jednom im je savjetovana upotreba pokazatelja za odabir korisnika i socijalnu održivost koje su predložili UNHCR i OSCE, kao i predložak za izvještavanje o održivosti.

Na samom kraju, predstavnica Europske komisije gđa Isakson obavijestila je sve učesnike da će Europska komisija nastaviti pružati podršku RSP-u i da je u skladu s najavom na sastanku RSP Upravnog odbora održanog u decembru, predviđeno još 84 miliona eura koji će biti opredijeljeni u korist Programa kako bi se ispunilo obećanje EU. Predviđeno je da sredstva budu opredijeljena tokom 2017. i 2018. godine. Zatvaranje RSP-a planirano je za kraj 2020. godine, do kada se moraju završiti aktivnosti unutar svih projekata. Navedeni rok je konačan i mora se poštovati, budući da je evidentna činjenica da se troškovi uvećavaju s povećanjem trajanja Programa. Neophodno je održati brzinu provedbe u narednih nekoliko godina, pa je završetak svakog budućeg projekta od vitalnog značaja.

RSP tim

Imenovanjem na poziciju nove **regionalne predstavnice UNHCR-a za jugoistočnu Europu i predstavnice u Bosni i Hercegovini, gđa En-Kristin Erikson** koordiniraće aktivnosti UNHCR-a na zapadnom Balkanu, uključujući i angažovanje Agencije UN za izbjeglice unutar RSP-a. Tokom svoje karijere, gđa Erikson radila je 30 godina u UNHCR-u na različitim izvršnim pozicijama u Indiji, Turskoj, Švedskoj, Njemačkoj i Sjedinjenim Američkim Državama, kao i u sjedištu UNHCR u Ženevi i hitnim misijama u Africi, Europi i jugoistočnoj Aziji. Prije dolaska na čelo Regionalnog ureda UNHCR za jugoistočnu Europu u Sarajevu, bila je šef Ureda UNHCR za etička pitanja u Ženevi. Gđa Erikson nije prvi put u regiji, obzirom da je tokom devedesetih godina radila na različitim pozicijama u Makedoniji, Hrvatskoj i Prištini.

Gđa Frančeska Boneli pridružuje se RSP timu u svojstvu **zamjenice regionalnog predstavnika UNHCR za jugoistočnu Europu**. Ona sa sobom donosi 19 godina iskustva u humanitarnom radu za Agenciju UN za izbjeglice, u okviru kojeg se susretala s izbjeglicama i prognanicima od kojih s mnogima tokom hitnih operacija u Afganistanu, Pakistanu, Angoli, Keniji, Sudanu i Ugandi, ali i u sjedištu UNHCR-a. Prije dolaska na sadašnju poziciju u Sarajevu, gđa Boneli radila je kao viši koordinator na terenu u predstavništvu UNHCR-a u Srbiji, povezujući vlasti, NGO, UNagencije i donatorsku zajednicu, ali i na poslovima upravljanja operativnim intervencijama na terenu u kontekstu europske izbjegličke krize.

Predstojeće aktivnosti (april – juni 2017.)

RSP događaji

6. april 2017.

Početak radova na izgradnji zgrade s 20 stanova (SRB2), Paraćin, Srbija

7. april 2017.

Početak radova na izgradnji stambene zgrade (MNE4), Berane, Crna Gora

21. april 2017.

Početak radova na izgradnji zgrade s 20 stanova (SRB2), Paraćin, Srbija

26-27. april 2017.

20. regionalni koordinacijski forum i 15. tehnička komisija, Sarajevo, Bosna i Hercegovina

18. maj 2017.

Početak radova na izgradnji dodatne 51 stambene jedinice (MNE2), Podgorica, Crna Gora

Sredina maja 2017.

Dodjela građevinskog materijala (SRB2), Srbija

Kraj maja 2017.

Završetak radova na domu za starije osobe i osobe s invaliditetom (HR3), Glina, Hrvatska

Juni 2017.

Dodjela kuća obnovljenih unutar BiH2, Bosna i Hercegovina

Juni 2017.

Završetak radova na izgradnji dvije stambene zgrade (HR2), Knin, Hrvatska

26-27. juni 2017.

10. Upravni odbor RSP i 15. Skupština donatora RSP fonda, Beograd, Srbija

Kraj juna

Početak radova na renoviranju / obnovi 62 porodične kuće (HR6), Hrvatska



Bosna i
Hercegovina



Hrvatska



Crna Gora



Srbija

Regionalni stambeni program finansira i podržava međunarodna zajednica



Regionalni stambeni program (RSP) ima za cilj da obezbijedi trajna rješenja za stambeno zbrinjavanje raseljenih lica nastalih nakon sukoba na teritoriji bivše Jugoslavije u periodu od 1991-1995. godine. RSP sprovode Bosna i Hercegovina, Hrvatska, Crna Gora i Srbija, a finansira najvećim dijelom međunarodna donatorska zajednica. Glavni donator je Evropska Unija. Ostali donatori su SAD, Njemačka, Italija, Norveška, Švajcarska, Danska, Turska, Luksemburg, Kipar, Rumunija, Republika Češka, Republika Slovačka i Mađarska.

www.regionalhousingprogramme.org